

點蒼山人詩鈔

點蒼山人詩鈔卷四

雲南叢書集部之三十五

太和沙 琛獻如著

早春 丙寅

曉霧暗簾幕細雨如輕塵窗竹啁寒鳥不覺時已春梅
花夜來坼幽香含微嚙凍木始寂寂行當萬卉新吏專
促昏曉華髮滋陳因屠蘇發朱顏良時以爲珍

微雪

風定野烟沈冰消碧漲侵暗塵噓細雪霽色動春林鴈
聚河沙迴人間村巷深新蕩餘栢葉隨意有芳斟

左傳述

晉楚狎主盟極力在兵威子良紆鄭難舍信從所非晉
指旣舟掬楚目亦矢飛邈矣召陵師堂堂服楚歸

子文紆楚難先事自毀家子產作邱賦薑尾生怨嗟田
成施燠休公收私貨加世衰道日雜論人當如何

懿公備狄師亦以保元元急難肆惡謔珍禽何足怨祿
位眾所目才勇資奮賁稱服非楚楚慎惜此乘軒

穿封勇戰士皇頡亦健兒立囚問誰獲對面枉其辭勢
利中人心在敵亦如斯州犁上下手活潑巧佞姿

卻克東會齊臧叔亦來同躋躋儻相儔比類相爲恭歎
側互睨視跛眇一堂中爲謔亦已虐相與師旅終

魏絳謀息民出積相貸與牲幣有必更服用亦區處鄭
僑蘇民因衣褚而田伍優優賢者謀有節斯政舉
左師合諸侯楚侈晉益衰屬國交相見弭兵甘所廢事
大良不易況復多方之奔命復奚恤何以財賦爲
晉人侮衛盟原温相鄙夷楚人止唐蔡裘馬生禍胎積
強日以妄積弱日以卑由來古紀侯大去不復歸

四月二十八日新河口顛風繫舟柳杪

船前奔瀧後怒濤帆旋樅舞魚龍噪溢淮百里搖羊角
摩頂老柳能索綯平生意氣藐蛟螭此日性命輕鴻毛
點蒼山頭石可煮長歸弄雲何巖巖

宿溶河村寺

少女微風自轉蘋，停雲吹蓋渺無因。
蓼花漲起虫移國，蘭葉香紉蝶趁人。
魯酒流連成醉易，青山遠近入詩頻。
覓心還覺安難竟，應世何如世應身。

苦熱行

離日澤火鎔金天，蠕蠕者人中相煎。

青蠓

青蠓附熱飛撲簾，暗庭炬具體螽斯。
微藐生蜉蝣楚

尺蠖

飽葉翠娟娟吐絲不成織，爾伸能幾何。
步步枉其直

借袍今得拜綸輝
小吏泥塗淚自揮
節府澄清先舉放
九重視聽悉幽微
游盤已負南陔養
來諭翻逾四牡騑
下邑蒼黔齊怵舞
惟天陰隲不民違

板輿從此奉歸途
邊塞無煩料驛夫
雨雪不饑勞利雀
籠窗猶聽夜啼烏
化城險道須臾幻
天棘慈雲長養俱
魯法贖人金給取
皇仁蕩蕩善同驅

宿瘤緣醜得知名
日月容光照耀傾
萬里車航從早計
彌天雨露待春耕
君公盛事逾三願
富壽烝民有四生
自苦無階籌上答
烏翔魚泳不勝情

述德陳情四章呈初大中丞

鳳鳥鳴高岡雨暘爲和穆麟趾惜生虫擊獸自懼伏惟
賢簡帝心上下蒙嘉福盛治浩蕃生民計艱芻牧俗積
法令滋易簡遽難復霄旰塵皇仁良弼起惟岳直節始
埋輪遠猷靖熒渙一德契無間文明資道覺淑問宣亶
聽是式此南服攘攘江淮間懼然起震肅

吾滇渺天末土垠民瘠貧長吏誅征賦鹽法成算縉股
削逮黃口挺走無復馴我公軫疾苦沸鼎爲抽薪吏民
息攘奪風俗還其淳役法亦著式耕作安畦畛於今長
千年衣食我滇民

國家舉措權天地爲轉移秦誓思有容口摩而心維抱

壁惜途乞伏，慙悲驥嘶。說士誠甘肉，自古何施施。荃蕙等肅艾，志士中道疑。有黜者左輔，吏治古人齊。芳聲紀綸翰，遺澤深淮泗。微疵註吏議，淪落隨塗泥。一朝荷拯拔，丹陛隆恩施。兆民爲額手，僚友相展眉。直道俄以振，廉吏實可爲。滌濯冀茅茹，千載誠一時。休休取善懷，大海水所歸。

咨予識庸闇，蒞事昧情僞。隕越重以愆，謫戍從寬議。荷戈甘服勞，投軀自奮勵。行行別老親，衰白難爲慰。生離萬餘里，人心共淒淚。毅然爲捐金，士庶齊奔萃。江鄉與淮塲，千里亦踵趾。破格仰仁天，希冀贖刑例。公平大悱

惻愷茲蜂螳志撼陳達九關皇恩溢情至戍役旣釋免
鍤金亦蠲資返我骨白肉全我烏哺愛歡呼馳四民感
泣到儕類朝疏夕報可轉圜無此快聖主賢臣間能誰
禦恩沛陽春蘇九區寒谷變藜蔚蒙茸荆棘枝被此慶
雲惠慈孝鼓羣生惟惠亦何翅緊琛寶驚劣矧茲纏牽
累何以効涓埃愧彼銜環智有懷誰能已馨香祝清闕
惟天祐碩膚光翼萬年治

感懷寧建德霍邱懷遠四縣士民爲余釀金代贖
之義三首

桓山啼鳥正分窠北磧南雲思黯然那是解驂堪救免

俄然振臂起爭先百身贖我真臨穴尺管回春共仰天
皖伯臺邊重載酒人心江水兩纏綿

南方建德古風遺蓼邑迢遙亦効馳憶我罪愆驚夢寐
苦心薰浴費情辭捐羅黃雀摩天駛涸轍枯鱗得水奇
涼薄自慚庸俗吏斯民醇厚竟如斯

赤子彝親血氣通國家名義宰官崇鍾離瘠土金非易
左史償租事不同千里未遺情懇懇兩年真悔去匆匆
江雲淮雨跂余望惟有心香祝歲豐

查萃如周廷秀楊瑞黻江左琴諸士夫招飲白沙

泉踏青蕭家山登大觀亭復飲致和堂醉賦

二月汀沙芳草新佳遊爲我解長顰江山穠郁如人意
煙水溟濛泛酒清中聖賢從茲入勝小蓬萊未了前因
良談傾倒花香冽撩亂楊絲挂月輪

天台呈寓曉起

北寺鐘聲斷續聽先生春睡起冥冥花叢取次露華溼
飛上曉鶯啼不停

老樹過牆雲幄翠蒼苔堆井石花斑夜來急雨池塘滿
蘸得城頭數尺山

管西渠園賞牡丹紅紫三百餘朵盛開諸邑士咸

集

絳露濃香繞座隅
名花嘉會款潛夫
醇醪醉我非杯杓
春色於人正燠敷
把火飽看紅豔舞
攀芳一蔚桂叢孤
青冥亭苑逡巡酒
豪士風流眷此都

石牌紫雲菴偕張春衫廉正宗長仁諸生賞牡丹

雨中信宿題壁

綠樹芳堤淨洗塵
紫雲庭院牡丹新
看花依舊纏綿雨
重到長楓正暮春

同王柳亭方叔湘諸生聽鶯三閭廟柳林

靄靄春雲渚嶼晴
綿蠻一片晚鶯聲
三閭祠畔千株柳
不盡飛花罨芷衡

同陳孝廉泉陳慶夫諸生飲續箋山房看牡丹鄭
生萬箋以尊人松岡先生集相示

獨秀山前潛水斜松濤十里翠谿衍有人著論窮三古
畫井耕田共一家歲久落花成大樹春深紫燄爛晴霞
頻年未逮干旌意淹貫忻逢弟子芭

梓花

停雲薄紫霞瀟灑寥天廓春雨老林材高花開自落

治塘同楊里千汪學普汪鄭祥北岡晚步題謝名

石書齋

山橋人擁沸村衢慰藉今吾與故吾誑世已拋阿練若

處身不厭厥株枸長松怪石含情碧蒼狗浮雲蕩影無
我醉欲眠人更集起看溪月上浮圖

宿高河鋪茶菴寺王經邦吳官達諸士紳餞飲

山雲漠漠攪輕衫懶慢能閒已不凡萬里聚糧遲月計
偶然游屐戀巖嵌網絲幸免王魚植花供猶殷百鳥銜
多少愛絲酬不得低回石上老松衫

餞別謫邊友人

江上花飛柳拍堤送君西出玉門西同官十載同淪落
拚得今霄醉似泥

鮒魚

繞郭看花漸已殘
雨餘新筍翠環玕
市橋水滿鱗魚上
痛飲江樓酒未闌

答友人書

戰後癯腴故我仍
故人相慰更相繩
然灰未分韓安國
顧甌差逾鄧竟陵
歸路向山騎馬得
荒畚帶雨荷鋤能
君恩旻覆何由報
麋鹿長生亦瑞徵

贈歌者

水榭風簾月半明
爲余惜別可憐生
看花未誤櫻桃字
舞鏡空縈紫鳳情
醉後涼生團扇影
歌餘淚入斷腸聲
當庭一種春婪尾
記取芳時拊手行

復客簡

魏武矜誇吏事長少年往績教陳王由來無憾談何易
自古於斯總漫嘗庚市厭爭甘玉毀楚人貽笑在弓亡
昭琴難免成虧在非譽而今亦兩忘

送傅嘯山謫戍噶刺沙爾

天恩我已濯枯鱗把盞看君未老身嘉谷關前馳馬路
君家介子舊通津

集賢院感鄧山人石如

老鶴已蛻去蕭森疏竹林山人亦羽化岑寂千古心軒
貴有時絀冥飛終自任瘞銘來好事空谷響遺音

練潭三渡

練潭驛劍亭灣北來南去片時間送人幾個鳴騶去不見鳴騶送我還風風雨雨長亭樹烏堠鷺令移新故江湖不到舊時痕迂回爲我成三渡

奴客

奴客奉所事迎承不知疲一朝值衰落去去無復疑亦復勉周旋餘潤嫌銖錙人生各自養名利欺所歸役我尙如此況彼我役之林回負赤子何以白璧爲

夏夜詞時旱熱望雨

塵海冥冥星象微萬緣無聲露夜晞淒迷醉客坐忘起

瞪目明河漂支機小鬟不解夢爲雨團扇習風汗溼衣
四更缺月上屋角斜光入雲雲懶飛

明河篇

沈穠西瀨壓煇塵雪庭靈圖詮仙真織女七襄不遑夕
人天誰是無愁人王起麻姑等閒見蓬萊恍惚波粼粼
玉輪連蟾單桂樹嫦娥淒寂同朝暮少仙石洞淫奔人
夜半銀河褰裳渡白水素女羞郎窺壺中宰相詒媒誤
無情有情天悄悄天孫河鼓長西東瓊筵瓜果競良日
千金一刻愁歡儂華陰老將回天力銀州潦倒無人識
雲耕翠幘瞥相逢片語殷勤勳貴極人間蕩蕩仰天開

富壽榮華隨巧得英雄兒女等情而傾倒千秋同此夕
明河奕奕星輝輝曉光化作波雲飛

騶驥

騶驥拙所售低回牽向人江湖難可涉爾主未因貧豪
士遠莫贈鹽車愁更辛糞田從一飽休與拭彬彬

游仙詞

夢裏仙娥百尺樓牽花侍女上蓮舟當時最好樓頭去
誤逐蓮舟聽水謳

鴈來紅同李崑村賦

霜林豔如染青女相爲工在萼柔綠叢迎秋亦綸紅大

化足成猶瞻彼花樣窮翹翹蘭紫莖結葉垂金蓉皓露
發其英爛漫雲斑形朱纒錯剪綵曲瓊參黃琮一一赤
鳳凰掉尾揚當風瑰詭難爲名俗譽隨所從時物表厖
來朱顏託若翁我聞採芝人苴芝無定踪異色適所娛
陋彼藥物籠列子綜化機墜陵變幻通寄園爛紅紫酣
我琉璃鍾短李妙歌咏強予賦秋蓬下筆恣塗抹一笑
繪工同

慨蓼旱

大地曆豐熟蓼人愁向隅赤日經春夏秋雨期又逾婉
轉雙流河決涸灌復枯城邊草蕭蕭本是稻與秫偶然

吳雨湯沃土成荒區糴米盼商航飲牛奔澗淤農夫貨
家具卒歲何枝梧艱難吾已免不復相號呼兩載荷推
戴急難羣匡扶茲來袖其手蒿目增煩獻去去無徬徨
故山從樵漁

中秋夕遲月

薄雲不成雨鬱此月華明秋水一崖遠素織良夜情露
花深豔色錦瑟泛秋聲萬里陰晴共無由問玉京

十七夜雨餘玩月

蟾光解雲駁流影如窺人人意異前夜桂花猶滿輪明
河翻遠籟餘雨暗前津好景迷離得蕭森竹滿鄰

女忠祠小寓

本齋香動篆煙微佳日宜秋宿雨晞簾角輝輝花五色
莎庭款款蝶雙飛依林自覺巢鷓便入夢人談覆鹿非
厭事已能無一事杜機壺子正忘機

家大人誕辰稱觴

向平五嶽興猶酣捧杖今朝從轉驂薛惠吏材難可教
胡威樵爨素能諳風塵遲我芝田養家世宜人菊水甘
便買輕舟溯江上真成一曲鶴飛南

耆闈嘔下綵雲城楚水黔山萬里情百頃良田方計畝
小人之食未嘗羹

九重諭養榮雙老絕塞予歸荷再生指日圓團春二月
倚閭爲念一程程

灋河橋

決流淮倒瀆巨浪駭停橈過眼消秋潦虛船枕斷橋風
塵眞濩落吾道一逍遙平沙娛坦步淺草碧蕭蕭

決口訛爲史灌流今作灋溶知何處水水亦諱稱窮蓼
祀無遺趾花臺誰故宮是非與名實芒芴太虛中

自開順至懸劍山九丈潭雨臺諸山遊歷兼旬得

詩十八首

秋色蔚晴嵐孤煙繞竹菴枯池搖的藪老圃蔚紅藍泛

駕隨車轉歸心指鴈南青山千萬疊迢遞楚天涵

危橋接翠微幽谷水禽飛石潤林於簇松深艾納肥得
閒耽僻路息靜厭塵機兀兀肩輿寐居人候板扉

一夜池亭冷溪流到曉增雨聲餘木杪雲氣疊山層菜
酒流連別榭香縹緲凭故人珍重意來往得頻仍

細籟含松徑崩崖絡竹根人家時隱見林谷暗潺湲石
冷花開晚雲移鶴躡翻斜陽見平野錯綉有煙村

密竹連千畝清溪小渭川鳥啼泥滑滑人倚翠涓涓蕭
瑟長時雨豐穰不稼田誰家數椽屋平地洞中仙

石礪藏腴壤山農盡土宜碧絲攢玉秫花雪亂荆葵麿

飲平常得苗畚次第移廣生真不竭雨露浩無私

紫籜秋前筍紅芽雨後蘼
芝人尋九洞茗戶擅三尖
石磴盤車轍松枝挂酒帘
山鄉蕃草木通藉有彫巖

竹林三日雨卧聽楚天秋
隔斷人間事翛然碧海遊
苔深雙屐軟雲響四山浮
此意無人共懷思得子猷

雲腳旋西浦林梢無限山
日華濃竹色人語出松間
錦雉雙翬起輕鷗極意閒
白沙泥不染獨步款禪關

山深艤作雨瀟滂難爲情
萬壑并秋樹中宵同一聲
行藏歸委運資斧竭瀕行
舟與兼馬足歸計六千程

雲寒四山暝問宿得農莊
茅舍新塗壁松牀旋爇香
麝

眉能絮語老釀壓稱觴我亦歸耕者羨君邱壑藏
山果鬱離離晶瑩溼露垂尼珠無定色紅豆結相思寒
蝶尋疑藻幽禽引哺兒春華與秋實各自擅英奇

黃葉籠山塢蕭森注夕陽秋深場藿雨楚響榭林霜掩
映楓逾紫迷蒙菊有芳小橋橫曲逕人在赭雲莊

烏桕紅兼紫香楓紫更紅柿林翻玉楮棟葉返花風錦
帳幪金谷丹霞簇藥宮化工無寂寞絢爛得春同

倩笑臨風豔亭亭翠葉濃佳人倚修竹秋水出芙蓉香
草寒堪贈芳洲瞥見逢寒煙將暝色溪樹遠重重

踏踏碎雲影俄然明月生主人深樹出列炬亂禽鳴皓

露濃花氣冰輪晃酒觥池魚深夜躍應詫客談聲
劍崖鐔可拔鍊匣水能浮洞壑饒靈閣古今稀遠搜浪
花翻厲揭松翠落塞摳癖好尋山水無心得此遊
僻遠勞供帳醪觴雜餼牽涸魚猶啣溼棄蟻不忘羶雲
水迷離夢情緣蔚蒼天山靈如惜別雨意暗前川

長山謠

朝看長山橫暮看長山縱長山長可盡扁舟意無窮長
淮曲曲青天轉無數丹楓相映紅

伎曲

鸞鏡雙雙影蛾眉曲曲春歌聲延月上掩扇落花頻細

管遲迴雪行雲疊繡茵小鬟如解意別曲帶愁顰

柏林亭榭憶舊遊

遠岫縈洄水高樓潏灑斟芳洲迷客夢紅樹豔秋心綺
語請珠佩徵歌脫臂金舊遊風景似一別信沈沈

夜宴曲

銀燭高花堆長檠繁絃急管催短更烏履交錯金釵橫
酩酊未闌呼酒聲曉烏啼呀呀明星高東方僮僕爛漫
醉不知行樂是他鄉客遊之樂樂未央

落葉曲

落葉復落葉落葉如落花翩翩紫豔揚風斜丹楓赭棟

紛交加落花春寂寂落葉有聲響撲簌上簾波琤琮下
庭敞陶令籬邊亂夕曛生公石上點苔紋短衣射獵南
山廣馬蹄埒埒翻黃雲雲暗山前路烏啼烏相樹行人
憶故園逐客迷津渡風雨深山煮石人欲尋行跡無定
處淮南惜長年宋玉悲秋賦渺渺深宮一葉媒蛾眉紅
怨惜詩才流水何太急人間去復回落葉如落花秋思
共春裁落花一落春摧頽落葉落盡春風來

慢遊

細菊沿溪岸幽芳愜慢遊山寒來鷓鴣野曠適州留廢
寺依林在虛船積葉浮蕭閒遲暝色身世兩悠悠

苦竹岡

苦竹岡前野路歧，茅簷濁酒雨絲絲。
本來不是韓康道，却厭名教婦女知。

溲河渡

浮萍水落上漁磯，風捲殘霞變夕霏。
落葉紛紛打兩槳，朱鷺近人懶纔飛。

蠟梅

小鬟呵凍繞霜華，折得金裝上髻鴉。
怪底曉來鶻鴿鬧，枝頭爭啣蠟梅花。

金家橋

曉日散寒霧繁霜在積葉茸茸青松枝滴瀝蒼翠溼連
岡下遙岑紆回束平隰野路古通津長橋駐峯立崖石
滙奔泉玲瓏豁雲峽流礮壘科竇淙淙琴筑協農隙村
市靜茅簷鵲鴉集閒適忘旅行野趣游目給人生寧免
勞所要謝羈縻

遊蜀山開福寺寺爲楊行密祠址王景仁間道歸
梁望山痛哭者也

大蜀山邊芻牧閒楊吳臺殿有無間靈池激灑龍蟠寂
老樹杈枒鳥倦還閒道英雄悲故國荒祠涕淚認青山
山僧不識梁唐事鐘磬虛堂自掩關

長至日

迷離噩夢斷啼鴉竹影搖窗射日華
簾外嚴霜苔似鐵
冰奩迸出水仙芽

新月詞

車塵撲地月西生
隱隱嫦娥如有情
鏡裏修眉纔半畫
簾邊鉤影未分明
胡一片團圓意
盈盈缺缺映回環
遞好與征人駐馬看
勞他翠袖臨風拜
風雨關山客路愁
行行見月笑登樓
楊柳春花過上巳
芙蓉秋水憶牽牛
棲棲水國霜華滿
梅花梢上斜光偃
屈指天涯幾度圓
一弦一上華年晚
宛轉華年思渺茫
錦帶難捐寶玦光

魏首玉京無限好不教容易譜霓裳

三峯谷

風霾暗平野入山遽晴朗連蜷怪石岡微徑菱榛莽渡
嶺俯平林曲折菑畚廣谷聲殷吠厖橫橋背茅廠陰陰
榭葉雲冰泉瀉巖響招呼問藍若却步緣溪上

石泉精舍

明月上崖背石影垂玲瓏山氣生夜白千林淡如空寒
冬百昌斂深谷含冲融釋氏清淨理宴坐愜所宗炯然
不成瘵塵路已千重

鳳陽邸寓

掃葉驅塵卸路裝
閒庭宛轉下斜陽
五年僚舊無人在
千古淮流逝水忙
窺食空階墮陳雀
含情石檻老疏篁
饑來健飯差強意
七尺稜嶒有鬢霜

眩眼雲煙變幻多
自捫心跡究如何
藏書穀博均成失
鷗嚇鶴飄等一過
得土交遊方外久
看山面目向來訛
死灰獨弔韓安國
猶有遺黎爲涕洟

下洪渡

漠漠寒煙見遠洲
多情山水愜重遊
人聲晚競津亭市
紅影波搖樹杪樓
泛駕阮生無定轍
饋饗列子已虛舟
援援止止何勞計
苦憶僑家在蓼州

偕許叔翹宿中海寺答僧慧如

寒柳無一葉枯湖無一波峩峩古臺下昔遊風景多
港湖曲折芳洲縈陂陀珍禽百種色飛鳴雲錦窩爛爛
芙蓉花風吹十尺荷離披花滿船花氣蒸顏酡玉藕出
冰雪碧筒擎嫵那酒酣發歌詠古壁揮壁窠彈指忽七
戰入林重逡巡豈我異今昔山水亦改觀老衲大歡矜
證茲來去因本來無垢淨起滅原一塵詰朝春水來俄
頃還瀾淪胡弗少流連一賞柳花春許邁笑撫掌惜我
行旣旣資糧眾可給離情遽難分感懷各進觴爐火紅

溫腐

茶亭鋪

戊辰

灑灑雲生石茸茸柳飈絲燒痕濃雨色凍壑轉風漪止
遠長途適澄懷往事疑情緣難共了離思滿川湄

化湖陂

酩酊不知行路遲喧喧鐙火化湖陂那堪舊說如淮酒
眞作塗山父老卮

途中大雪戲詠

難忘結習好嬉遊天女天花散不休亂着征裘袂不墮
看儂彈指現瓊樓

雪後望鎖耶雲母諸山

銀虬蜿玉沙縹緲入天斜
鍊粉凝雲母瑩膏淬鑊耶青
環淮一帶塵息路三义不盡看山興
中林駐雪車

人日訪王禹符時著天文輿地左傳諸書垂成

人日逢人得不虛鍾離城外好幽居
一林積雪無人跡
蘊世潛夫老著書

中立譙樓遠眺

危樓壯麗聳蒼冥
子子灰餘往劫經雲際長淮流渺渺
春來芳草自青青
一坏葱鬱傳天葬百頃森嚴詎鬼靈
至竟遭逢邀異數古來陵墓幾能扁

水曲山盤鬱古原
雲煙萬朶有顏垣
閭閻踪跡如蓬蘖

樵採生計到草根豈有凶荒成故事長將賑濟賴
仁恩六塘一樣豐秔稻地方還須重討論

野鶴

冷霧迷離散曉風避人野鶴頂深紅盤移目啄荒田雪
嘹唳一聲天地空

過堦望北山有懷

曲曲渦堤夕照殷暗回春色柳條間白沙新水淪漪嫩
廣野平山意態閒莊叟園林輕楚相嵇家鸞鶴渺人寰
湖洄別有娛懷處難路塵煩未足患

旅懷

逆旅無何飲自諧
蒙茸裘暖與春乖
狂塵十丈迷行路
好雨經年懶過淮
物累何因來鵲感
惡聲猶慣舞雞嗜
歸心欲假長房術
閉戶深林道始佳

長淮曲

淮北渡淮復淮西
淮南風雪漂行衣
歸鴈飛飛渡淮直
人歸渡淮淮迂迴
多謝長淮休戀客
雪花飛盡柳花飛

焚草

翩翩聯聯千卷束
紙舊塵陳蛛網
簇塗鴉引蚓盈汗牛
是非同異成虧足
委積俄逾十二年
勞神殫思廢宵眠
今日束裝重檢點
欲覓過去心茫然
竟付祖龍燔書火

白藤書笈還故我風吹烈
馘聲騰騰雲煙飛盡青天清
與韓潔士飲

范叔笞錘飾死魏齊戰慄全身饒
君軼才異勇僅僅支
紉庸人

勃蹊有時可厭
楚響空谷難期
由來冠蓋相索
莫當車
笠誓辭

衰糧南容患道抱
瓊丈人息機靜
寄春醪獨撫悟來言
說成非

點蒼山人詩鈔卷五

雲南叢書集部之三十五

太和沙 琛獻如著

古別離 庚午

埋丹橘樹根神仙爲母資賦命合仙去忍茲生離別年
年橘花春慈母憶兒悲千載一歸來九泉寧復知顧影
畢天地長生徒爾爲徘徊謝彈射故山心靡依

南鄉晚歸

龍尾橋頭啖雪漿題橋往事遠難忘西流水亦滔滔下
古道風仍踽踽涼宿草不醒泉路客黃金空秘枕函方
私心欲禮波羅窟窈窕溪雲萬木蒼

得皖城書年餘始到

梁州西盡雪山邊江左書來總隔年
世事渺茫聞觀寂此生端合老逃禪

賦得瓶罇居井眉

朝汲萃井瓶甄大隨甄小隨
小得泉微甄大得泉飽倉
卒下兩直歷甄詎得保藐茲
升斗罌軋迫墮冥杳釣竿
絮沈浮一笑微坯好却顧井之眉
嘗凝軋甄倒甄倒得
甄聲瓦解但泥潦寄語東上瓶薄汲以爲寶

幽蘭

幽蘭生空谷含香守陳荑
幸免採折緣媚此二春暉繁

霜變秋節孤芳爲之摧
枯根結繇邈陽春不復回
卷蕊爾何物無心得芴菲

避塵

買得靈犀好避塵
懷情滅見自沉淪
八區那盡蠅蚊格
一醉何勞螟螺膜
過影動泡泡動影
卽身非觸觸非身
覆窠自懺伊仙謔
口業些些是率真

看山

落盡黃梅暑不生
支窗清晝點蒼橫
青峯自幻奇雲出
白雨俄添遠瀑明
大地炎涼山界別
落花茵潤世緣輕
江鱗朔雁勞相訊
猶向塵埃憶尙平

聽泉

虛寂慙長日山泉汨汨聞倚欄花盡雨洗屐草連雲却
顧於人遠無何飲自醺鳥聲深樹托倦影息忻忻

青薜香

湘波率地掩清涼擾擾飛虫透隙光一點青熒金博火
笑看醜扇避煙忙

佛界

石佛出青城遠自閻浮提多寶鏤隸字往代誰能稽邈
茲雪山陽地傾水流西空寂明鬼道伊古優婆夷福德
較布施輪迴攝瞋癡能使垂垂眾傾化淪心脾平等易

爲好柔弱安恬熙其始得慈忍其究竟是非媮然至放
侈流極難可知出沒羣波間混混相磷淄政刑有弗逮
覺悟將何施點蒼與西洱佛道之魯齊非法在必舍勿
爲佛耶悲

曉望

點蒼看慣欲渾閒夜雨浪浪漲碧潏曉日亂雲鋪地起
迴峯飛出絳霄間

聽雨

白袷涼風失夏炎紅蕉翠篠響廉纖離離薄霧疏燈溼
細細清宵密雨懨枯硯有情魚夢續石芝無信鳥脚淹

蕭蕭却憶吳娘曲雲暗巫山不捲簾

涓濱尋友

瀟瀟迴波聲滿林白沙幽草翠蕭森山昏微雨斜陽薄
水滄晴空綠霧陰漁釣舊遊成白首行藏往事感秋心
四洲風月花三島輪與幽人直至今

涓水泛舟同趙紫笈許晉齋步前人海樓題壁原

韻

卅年湖海逐萍浮却愛鄉關玉涓流罷谷南來三百里
點蒼全載一扁舟倚樓好句趙承祐懸露高情許遠遊
紫翠雲嵐紛打槳人間新入廣寒秋

牽牛河渚客，槎浮不及觥。船自在，流星宿一天都貼水。
月輪四面做，停舟魚蒲有會。悠然樂蝸壁，猶題逝者遊。
簫鼓華燈良日興，羨他魚父醉橫秋。

青城石佛現，沈浮西洱宗。風萬古流，宰堵坡光經像寺。
閻浮提骨海，神舟鷲頭垂影披雲出。迦葉褰衣振錫遊。
人世茫茫天地遠，鐘聲搖曳雨花秋。

蒙宮段壘幾，漚浮好在青山枕。碧流蠶觸只知蝸，有角
金湯屢負壑，藏舟沉書驃信存。明誓分器天王憶舊遊。
今日昇平嬉盛世，村村簫鼓幔亭秋。

赤文斑駁島如浮，羅刹巖前水伏流。夔國古通迷往代。

仙人大願濟同舟，滔滔一概江河下。渺渺孤懷汗漫遊，
素芷芳蘭無限思。良辰珍重好涼秋。

人生聚散比雲浮，華髮俄驚歲月流。快意翠濤開倩楫，
退身滄海任虛舟。霞綃染水霏霏動，鷗鳥隨人得得遊。
好句當前難續和，自憐心跡淡如秋。

步月

闌風南下點蒼連，碧潁浮光欲度圍。峯頂湫晴雲似雪，
月華霜皎樹如煙。跂身欲翳閭扶影，曳履行歌溟滓天。
誰向寂寥同此意，廣寒清極不知眠。

山雪感興

點蒼雪霽巔一年一回老山人晞短髮一白長皓皓陽
春回山容雪液滋翠草我有絳雪丹服食苦不早飲冰
却內熱明霞劇強飽神仙獨何爲千年長姣好

渺渺耆闍崖佛域周秦先南詔此會盟蒙古此開滇廢
興雖萬變古雪常皓然炎方凜冰玉奇構標南天山水
得真趣浮榮何足賢煮雪飽松苓俯仰長歲年

西山雪亘冬東山冬不雪風吹西南雲海底現飄撒雌
龍望其夫萬古冰霰結四大合幻成誠至金石裂冥心
鍊形神一仙諒可必

皚皚山上雪皚皚雪中花銀屏錦步帳重重結飛霞綿

亘一百里爛漫洱之涯土人不知異籬落隨欹斜妖嬈
蜀海棠紅暈淺深加紫緋半開落蓬勃赤玉芽俚名號
小春殷茲十月嘉香花四時供佛界禮毘迦寒燠適中
氣靈奇標異莠山城遠寂寞自然足豪華賞花高宴雪

陶陶處士家

霽雪淨林莽野徑飄風香燦燦早梅花北枝亦已芳
蘆雪中藟含笑宛清揚連山皎如玉雪漲聲浪浪蟠根
濯泉冽奇英苑春長感此歲寒知幽貞詢所臧

枝窗梅影下簡編適我情古趣自跂仰驚眼雪山明羣
峯聚如村朗列披太清皎皎白芙蓉倒影含光晶晚燿

映虛白天然不夜城金銀爲宮闕蓬萊但聞名稱遲點
蒼間塵汗何由櫻

春雪渙點蒼瀾漫洱河水魚龍活新流跳躍不解已灼
灼天桃花隨風落芳泚泛舟雪鏡湖照我鬚鬢改不惜
鬚鬢改惜此春日馳感舊各天涯無由致相思把杯酌
清影徜徉心自知

高崖尙留雪城市已炎天錯落珩瑤琚萃影松篁間劇
劇隨山樵無勞伐冰堅酒豪宿醒困丹客金石煎那得
竟此嚼滌彼飢火咽點蒼富崖蜜楊梅首時鮮調和入
雪液甘香溢饒涎盛夏例鸞賤涼風生市廛擘州亦何

別王母列仙筵江淮六月時懷此鄉思牽一呷醒塵夢
忽忽成廿年寄語諸寮舊熱中今已蠲

綠萼梅

石瘦林枯駭薛岑孤芳獨自意惜惜却嫌紫蒂猶多色
欲儷幽蘭有素心蒨鵲繁枝香繞暈晶瑩殘雪翠籠陰
東風萬綠濃如染早辦春含素點深

素豔幽香絕點瑕爲梅真是費咨嗟雪膚遙見藐姑射
翠黛天然萼綠華靚影乍移春水色疏篁欲亂五分花
芳時可奈情無限把盞悽迷碧玉家

盡道梅花似美人廣平詞賦巧傳神最憐金谷珠投地

恰稱湘妃淚染筠，曉鏡碧池清。自照綠衣翠羽，夢如真。
私心願在，眉爲黛，莫遣風吹向玉津。

上元節日憶王休寧黃鶴樓話別 辛未

東風同趁楚江船，黃鶴樓頭雪滿天。一下危欄相背發，
杳無消息又經年。

花朝出遊憶杜詩江畔獨步尋花諸絕

飛紅片片點緋袍，宛轉楊枝吐燕高。可惜有情寬歲月，
自教俯首向風騷。梨花好趁浮蛆覆碧草，初勻射雉皋。
欲答春光竟何事，情知詩酒不恢豪。

觀音石會日沿山麓看花到寺

桃李續紛拂路塵遲迴款段愛溪濱喧喧混俗僂婆社
得得看花羊苴春池面泡漚遮影異人間混沌鑿痕新
斜陽最好紅千樹不厭青山古黛皺

有懷傅嘯山

長淮歧路柳依依同是桓山忍淚飛此日金雞聞有赦
已無人寄蜀當歸

城東園看李花尋趙紫笈效韓昌黎體步原韻二

章

南方異花木先春爛熳驕相夸梅花靜窈窕下與噲伍
心暗嗟妖桃豔杏鬪紅紫落英紛紛春風斜李花硜硜

獨也正潛幽守寂堅寒芽城東老園二月半瑤林琪樹
開晴葩雲房高積玉塵斛銀濤亂擁天孫車龍目之國
夜如畫若木燄燄紅不遮恍然直悟昌黎語不見桃花
見李花

昌黎古豔高咀華盤空硬語蛟龍拏醒肝瑩骨蕩邪慮
眷眷寫此連天花張徹盧同共花夕花前風景十倍加
自我閒居得花癖每到花下忘歸家城東老友外世事
丹經火符候不差結習猶然好佳句清如雪風冷齒牙
更與踏月盡花意勿令穰穰填汙邪

樓成四首

攬取諸峯宴坐邊樓成不費買山錢清含太古重巖雪
綠遍春城萬木煙短策好停尋窈窕紅塵深與謝周旋
續紛一枕梨花夢飛起攀雲鶴背仙

白雲蓬勃捲還舒倦鳥高林意自如退士不須謀谷隱
愚公合是面山居多渠宛轉初弦月老我伊吾百種書
莫問元龍牀下客本來湖海氣難除

支窗曉日溽霞堆碧落澄澄玉洱迴錯繡千村纔雨後
輕帆三島馭風來求仙舊說樓居好學道還資眼界開
種得琅玕初百個籜龍解解走春雷

清虛纔得勃蹊消插架縱橫萬軸標自笑酸寒成作用

強將湫隘變寬饒，撫琴真聽眾山響。
覆斗時從壘塊澆，一室掃除吾事了。
莫須起念又情送。

夜坐

漚漚泉聲繞砌長，坐來虛白是天光。
行藏有素思何與，懶慢於今得不妨。
積雨雲開星宿澤，高花風定月隴香。
澄將一念無由起，却笑耽吟習未忘。

蔬

春山煙雨翠芊緜，蔬筍厨中得味鮮。
南國懷人薇共採，首陽甘節葛同牽。
兒拳快意撩詩興，鼈腳天然肖雅箋。
堪笑東坡飢海外，欲將丈食補當前。

微雨

雙峯一片雨濛濛飛繞簾櫳澹池風草色青回殘雪裏
泉聲高在亂雲中百年精力成衰始萬里交遊少信通
已慣齏鹽能健飯莫將窮達問天公

木香花

雪藥玲瓏簇素霞濃香漠漠繞籬斜長安好事珍投贈
林野誰知是禁花

素馨

花田一片雪晶瑩翠葉紅附綺玉纓慣向朱絲穿宛轉
却簪雲鬢鬢分明瑤鈿斂再朝含露香汗氤氳夜有情

好是滇南開四季，珠娘莫漫誦羊城。

和紫笈山人獨歌

歌云我不讀書如何窮，我不讀書如何通。如子
桑氏歌哭鼓琴，有不任其聲而趣舉其詩焉。至
云得來一息造化，融習射鼓琴無比。王道趣溢
然扣何樂也。

豹雨不食文炳彪，駮駒跼促芻秣優。黃塵汨汨幾千載，
脩然獨與古人遊。小夫聳利霸蚓穴，從他大笑訖不休。
班固漢書亦晚古，下酒猶能逾珍羞。鐵脚之仙人，琅琅
誦秋水赤足和雪嚼梅花。要沁南華入肌髓，人生何蒙

蒙河漢汗瀦疏淪通禮明樂和聖所公華胥洋洋人仙
同窮達訖無損吾宗朝弄點蒼雲暮泃曩惹雨雨飛雲
捲山悠然此意欲言難竟語紫笈山人飛瓊章獨絃哀
歌聲無方要予和之縱又狂芒乎芴冥據未央

再和趙紫笈

虛堂細雨一事無恍惚遨遊萬物初歌鐘羅綺浮雲徂
紛紛蠻觸何爲乎天耶栽培吾豈槁有待而食誰厯驢
千金養寶臨化俱閱世優哉天徐徐閉關不駕阮生車
落花洋洋春風嘘

三和趙紫笈

做人澤車云時宜笙歌圍幙當妓衣神仙醫灰逃耘芝
誰其迫者胥飾之駒隙富貴慕泉石勢力無奈絲劫兒
盤餐待客雞養老冒雨殷勤非亦好斗酒何必到公榮
入社淵明時醉倒我我周旋無否臧腰適足適履慕忘

擬唐人遊仙詩

翠岫紅雲駐紫軒瓊臺玉醴酌仙源儵魚縱壑麋依傍
不是中天化獸存

融融春氣而天長澹沲飛花碧瀟香赤脚科頭行坦率
到來仙界不炎涼

聞風四面敝花樓千隊紅妝進舞謳忽憶髯秦晴雨句

真將霓彩作纏頭

形骸脫略了無嫌
揮麈清談戲語兼
只說風塵諸混跡
詐多少相笑掀髯

瀛洲一徑蹙雲嵐
橘叟相邀共手談
往復玉塵羸不定
人間瑞雪已沉酣

混沌何人闕化工
中條山上問鴻濛
嫌他果老誇官樣
侈說陶唐大侍中

金薤琳瑯古洞中
人間疑義了圓通
泊然未兆嬰兒似
授講新從河上公

鴻寶輝輝得異篇
劉安丹藥偶乘緣
八公習氣驕相妬

雞犬鬢鬢吠獨仙

花豔驚人曼睽光天然眉
意遠山長雲鬢霧鬢隨心攏
道是麻姑狡獪妝

酌月溶溶玉宇涼素娥花
宴會霓裳綵鸞畢竟爲情擾
一下瓊山寫韻忙

仙侶相要謁上清霞旌雲
馭指層城爲憐風月耽疏散
猶向花間擁翠觥

鶴舞鸞階海曙生小鬢傳
語未分明含情欲問愁顛倒
底事荷花寄遠生

聞荔扉師三化及

大雷江口送登臨却問歸期閩欲暗三載寓公知骭髀
半生薄宦自浮沉飛揚竟爲誰雄者著述猶餘未了心
屈大夫傍增一塚楓林煙雨最蕭森

聽兩孫效蓼兒誦書

小兒琅琅朝誦書兩孫孩語學伊吾警嘈錯雜焉哉乎
我昔兒時亦如此攪聒大父哦書史一詩成誦大父喜
而今班白竟何成得祿不逮遺甘旨人生賢達詎可期
詩書畢竟是謨貽重重繞柔孫曾樂仰慰高堂杖履嬉
讀蘇詩月華寺七古有感用原韻

坤維富媪私自憐懷金腋寶藏深山山民採鑿易衣食

由來厚利歸豪姦地脈斷續應喘息天道盈虛成往還
偶然探探值其空遑遑星散依榛菅工商販負坐交困
農夫粟滯女紅艱邛得金剛一杵眾山碎碎杵鑛山青
爛斑平地蕩蕩種黍稻不用萐萐求舉鍤銀銅豐歉地
難測農田雨暘天不愷可憐吾鄉舊樂土嗷嗷此日哀
惻憫誰知渡嶺東坡老阜慨泐場廢寺問

山雲

白雲霏霏細雨來雨來溼地雲飛去妙鬢披離欲翦山
虹霓却挂曩蒸樹瀑布山頭細不分如花如絮弄斜曛
山公自愛閒雲好可念中田待澤殷

七夕

曝衣樓上花娟娟積雨河頭聲滿天
娟娟秋風思徑渡盈盈一水默依然
壁車好在西陵樹沉火孤飛金博煙
自倚結輪供夕張浮雲沍濫夜綿綿

理泉

苔花漠漠漸斑然蠟屐沿緣理碧潺
細響亂擬蕉葉雨青山半褪竹梢煙
懸巖冰雪移池沼到海波濤劃溜滑
永日清涼深院靜不須人境結廬偏

魚潭巖

巖巖千萬穴齧此海門波鱗鱗巖邊鱗
窟宅盤幽遐揚

鬢陣馬來翕尾湖蜂譁唵喁動海日跳躍捎崖花潛深
黛色重掠淺銀刀斜織悉粲可數弄影嬉雲霞翠葑積
如界護此潏潏沙水性詎有異在山清無瑕風濤肆簸
蕩終難汗染加遊魚適所性寧復慕江河盤石坐忘起
空鉤意釣多

高仲先攜遊舊州溫泉

古城蕩無址沙石平市屢喧寂異時代一泓猶燠然熒
熒象山麓暖氣蒸雲煙珠璣噴瀟沸肪玉折方旋咫尺
冽蒙汎調濟衷涼暄瑤池舊瓊館金碧餘顏垣佳構始
天女曾此濯珮環僻壤真好事無復歌吹喧浣濯便樵

言金 卷五
牧膏乳澤境田利汲詎井渫何乃荒榛管繫茲一池碧
大造深雕鐫丹砂異礬石甘香溢高原環以玲瓏巖磊
礪雲根連達以永春潮萬綠涵漪漣并將山水勝卑子
地主賢共有航遊癖趁茲免官閒涼風淨天宇秋林豔
渥丹移具蘋花渚聯騎青巒巔解衣浴磅礴頃刻塵垢
蠲人生適自適身外復何論章江萬黔首待子恤飢寒
明年此相憶雲煙浩淼間

病起

密雨落深簷浪浪入清夢紙窗耿虛白過眼雲煙弄灑
然一事無頓失前宵痛平生薄寒燠習氣餘顏縱拘拘

造化爐大肆陰陽闕我法無生忍愛憎了無用病拋藥
亦拋借慰維摩眾困卧已逾旬起視天宇空燦燦日精
花披離破昏霧秋色佳有餘良時自珍重

和陶九日閒居

連雨迥澄霽寥廓秋涼生偃仰適棲遯此意難爲名黃
花被幽徑瀼瀼白露明佳節感蒼遊無復歌吹聲繁華
有時替矧茲壯盛齡人情愛重九誰挽歲月傾舉觴挹
清景疇能薄世榮寂寞望同志千載留深情存生愜幽
契何必還丹成

聞雁

高飛鴻雁避峯巒
嘹唳餘音入渺漫
怪底故人書信杳
千山萬水寄應難

鸞田慨

鸞田須糴貴糴貴却鸞田
莫以錢神論更論
荒年錢涸魚自响
溼黠蟻豪據羶不堪
皆竄積切須駟
儉賢夷陋貧非糞
金饑事偶然擾擾刀
錐利囿盡世無邊

朝眠

歷歷瑤臺玉珮從
夢回雲氣翳牀杠
雨聲一夜在黃葉
雪影半山侵曉窗
脾肉病餘消自覺
睡魔狎處懶難降
詩成斷續迷離裏
張藉涼涼出嶺龍

雪山歌贈馮生景龍

崑崙之墟名無熱點蒼六月猶積雪離披鷺羽半青青
不似玉龍終歲白原是西域大雪山奇踪異閩非人間
晴明直現點蒼北欲往遊之阻且艱雪山馬生今奇士
忽來過我談經史示我雪山詩十有二峯巨頂趾金沙
百折從中來南條萬里濫觴始手君詩帙倩君談江聲
雪瀑當前起我聞阿耨達環出六大水雪澤之所潤流
行布佛理麗江迤北達曠東牛達鉢愁森重重奔騰到
江入江底矯矯逸出江南峯巒巒狹墮鏡主角雄奇與
窈蟠虛空壚卽老人各異態斗牛危壁標星宮番名漢

語雜稱引當頭亘古無人踪春融雪渙洪濤下岷山百
丈盈奔渾信知天地妙偉造江河大本非淙淙馬生遼
學佛能譯西僧語貝多得真諦進取資淨土飄然來去
十由何業名山物外身別後應知翹望遠雲煙不障
玉嶙峋

巡梅曲

晴山漠漠嵐翠濃樓頭雪影清浮空山城異卉無寒色
重重野豔含霜紅龍尾關河八千里寂寞煙霞照寒水
難忘何遜舊揚州人倚司花笛聲裏年少須與兩鬢絲
尋花嘗是惱春遲小梅含情如相語無限芳情對影知

得左杏莊刺史書備及師荔扉身後諸况

萬里蒼崖雪梅花對寂寥故人心尙爾書札到山樵世
味浮沉共良朋生死遙纏綿百行字只是黯魂消

題白貞女厝誌

閩縣令白

公女左

聘室

貞女子歸日纔麻換吉妝從容慰生死哀感動肥梁今
日雙埋玉層霄共引鳳我曾觀盛事人豔說尊嫜積善
徵餘慶緣源發異香渺茫惟禍福應驗在倫常宦海波
方惡詩庭子遽殤人情移盛替土氣爲悲涼淑女心何
摯千鈞諾竟償題書貽返馬拒浴就含牀禮則嫻嘉訓
幽閑制烈腸代夫供子職忍淚悅高堂喜起與家婦祥

臻卜世昌所嗟人瘁甚那更病相妨七載流光速三生
結願長思親驚遠計延命恨無方侍膳資賢媿修文佐
玉郎等知冰雪冽惜此蕙蘭芳傳誌成翁手旌揚待典
章志承清白吏孝感泗虹鄉彼美眞豪傑人生足慨慷
古來存節義道並著柔剛畢世須與事芳名日月光嗟
余叨父執感舊憶循良異地悲歡共開緘曲折詳臨風
跂望杳歌詠起徬徨

書左太冲詠史詩後

十年成一賦太冲眞愴父於時未之重詎俛造皇甫果
雪覆甕譏價貴洛陽楮沾沾辭翰名用心亦良苦男兒

當世間良圖懷騁步途路有通塞驚心慨前古琅琅詠
史篇抑鬱誰能吐浩氣陵天虹繁音雜風雨倔強貴賤
間浮雲眇珪組屈伸各有宜齷齪何足數等知作賦心
耻爲溝壑腐齒督縱遠懷一枝聊栩栩

書阮嗣宗詠懷詩後

嗣宗外形骸跡已逃於癡見迫時貴辟復深猜主知潔
身將何措凝霜沾人衣北望首陽岑良辰懷采薇一醉
六十日大哉天恢恢登高見城邑慨然獨心悲才色委
時命惜彼婉變資薄俗慕放曠衷曲何由窺悽惻詠懷
篇千載使人思

消夜

炯炯梅花夜
踟躕靜掩扉
竹風如雨驟
窗月閃雲飛
犀首閒無事
漢陰深息機
三餘隨意酌
未覺愒時非

梅花卽事

怡人冬令不風霜
消受兩窗日影長
午醉半醒人不覺
梅花陡作十分香

繞屋梅花近水濱
朱白白萃玢璘不緣雪
候爲分別祇當尋常桃李春

滿路飛花拂水流
玉鱗如雪蛻潛蚪
無人著意城西角
礫硤梅槎大蔽牛

宮妝穠麗醉紅添縞素湘妃倚翠活爭似山梅明媚意
麻姑垂鬢爪纖纖

爲愛宗炎鮑謝詩涉旬不見費尋思小樓岑寂風帘掩
寄我幽梅綠一枝

酬胡品南寄花

疊葉重英玉婉揚榭榭困蠶盡芬芳我今半老成衰懶
那似梅花老更強

花裏梅花世外仙山鄉氣候不嫌偏海紅俗豔無多態
開向梅邊亦嫣然

東白先生雅興長西園常得醉芬芳過門一徑霏霏雪
又索梅花花下觴

張書有西園連飲

短笛長簫舊譜聲玉臺金砌烈分明繞林細看梅花落
搖蕩春風也耐情

野寺冬春送臘時西溪小約趁晴曦天桃紅杏爭春早
石畔梅花好是遲

半放梢頭半委苔慰人寂寞好徘徊乍寒乍暖春無定
天與安排細細開

辛未除夕

雲煙過眼雜新陳送臘忻承七日春年復一年催老態
我仍故我是鄉人林泉已幸堪潛世菽水終難慊養親
手把屠蘇愁喜集兒童歡笑說明晨

草木春從暗裏回，良宵歡感倚心哀。
倚間有夢泉臺隔，斷雁無聲雨雪淮。
人事百年胥此視，星纏一例只奔催。
漸思漸遠成終古，愁對蘇耽舊日梅。

笑口頻時遇幾場，閨餘長歲又拋颺。
無多田業逢荒歲，難渾人情在窶鄉。
顧影已蹉石學士，披衣猶認李冬郎。
薪盆煖熱閭前火，好是從來古道良。

飛揚壯志耿猶存，學道無成坐意根。
出處兩難諧世故，優閒終是負君恩。
春風鼓蕩催花柳，積雪迷離汜芷蓀。
已委此心惟任運，不嫌沉酒向金樽。

曼衍歌

言者不知多知，敗道案感容與。

王中

蠖蟻一櫛堪眾飽終日如飢營擾擾神龜不食長千年
高遊荷葉深藏淵蚊翅啄息蠕蠕並各使於形云其正
人生百歲資識神願言葆之三尸曠

彼者之趨此之棄熊魚痲腐各有嗜昨日之是今日非
水與舟陸紛從違雞鳴一劍孳孳起是非彼此易地耳
西方老釋挈其終抽釘拔楔還空空

太璞萬鎰琢乃光敗素而紫十倍償天人相資實相戕
善名善利生爭攘九九之牧覲一羊嗜欲已開何由防
伯龍憂貧鬼笑傍人笑鬼笑誰低昂

落花洋洋飄春風茵席照耀溷穢壅兩兩無心成定踪

何不轉移標風功天地大仁物芻狗爽鳩之樂爲君有
蟠桃待實飢拊手并李蟠餘延命久

洞洞瀾瀾天地清子光孫水生無形至人嚮之百不營
揆挺挺桐百家出滄波遞勺無終畢并飲何勞梓相擊
曼言窮年言無言虫鳴台喙脩脩天

雨暘在天無鈍置橐籥虛含動愈出連年歉薄農呼天
秋霖夏旱如相沿并昆一變成豐年錦瑟繁音雜風雨
誰能膠柱調宮羽靜言調之今猶古

鳳凰一見天下昌飲啄丹穴生遐荒耦耕荷簣土者常
蓬車歷聘易其方聖人憫世心遑遑六經垂訓恐人忘

杜陵餓叟千秋下
吟談稷契人云狂

杏花

春風爛爛滿林泉
絳雪緋霞擁杏仙
已拋杜曲探花願
却憶江南度雨天
錦宴香籠雲髻影
山程紅濼酒罍煙
而今耕播希輕土
翹首芬芳思疊然

春柳

裊裊池亭綠幔絲
斜風細雨落花時
黃金散盡無歌舞
振觸春愁向柳枝

遊蕩山

長憶丹霞境精藍
半嶺開塵踪俄卅載
今日得重來木

有牛山慨花尋龍樹摧

舊有龍女花最爲名勝今摧折無存

尙留開士跡

光相滿層臺

寺肇於西僧成眉著靈異於趙波羅明初爲僧無極勅建賜名感通

寫韻樓謁楊升菴侍御畫像

翩翩超宗鳳摧殘冒逆鱗可憐宗國義伉直不謀身
爨爨占雲紫虫魚入註新僧樓搔白首作麼了同塵

題擔當像

青山挂黃葉坏土是英雄七字饒奇語千秋有擔公

擔公

詩青山有影不過海挂在人間黃葉村又英雄只是一坏土天地空留數點鴉詩僧中能奇語者

畫圖

開古貌湛寂見宗風

像清願奇古湛然寂淨遠於禪者也

慧業原無染休

參文字中

再遊蕩山

月丹千萬朶一饜看花心
客醉春雲暖鶯啼綠樹深
木芝供困蠹崖茗淪清森
自解隨緣適無勞遲向禽

海印樓宿

層樓花杪出罨藹翠巒間
密葉低澄海春嵐淡遠山
巖深孤磬窈井冽一池閒
惜取今宵月臙臙碧洱灣

龍伏山

落花風磴轉塔影故依然
感舊成遐古題詩驚往緣
閱人僧臘健彈指佛機傳
翹首汲羅窟長空響瀑泉

懷趙所園

何得天諸故友同遊波羅
岳信宿於此今三十年矣

藥師寺看薔薇

喬木纏宮錦遙看未覺非
靈山深雨露古樹老薔薇
舞一林雪霞披初日暉
無人修冰負惜此異香飛

落月

小樓炯炯月低垂
彷彿湖亭鸞蝶遲
金管玉簫殘醉裏
人生幾個少年時

風夜

穀雨不濡地塵昏
山翠銷風聲驅石走雲
帚拂星搖薄
俗移荒熟冥心耐寂寥
艱虞嫌袖手吾分屬漁樵

檳榔

却曲何能不染埃蚊蝨鐘釜藐悠哉金盤滿貯檳榔贈
還起人情一念來

朱子豆腐詩種豆豆苗稀力竭心已腐早知淮王
術安坐獲泉布憫農困也旱後幾於無菽賦豆
腐歌

神仙黃白變幻出黃金豆腐同一術點金雖秘點腐傳
淮王利濟濶無邊去年夏旱豆苗稿腐儒食腐腐不飽
晦翁詩寄慨深而今腐到賈腐心

瘴煙行

形殘直夢紛如草淒哀回天成白道木棉花開瘴煙紅

離題祀人醢骨飽往來倏忽九首騫謂言不信楚些傳
鰕鱸鬼域叢勾連由來佛法一按指羅刹伏地毘闍摩
炎火閉荒一千里焚香噉噉禱佛子

立夏日

綠陰漠漠水平池爲餞青陽一引卮好雨怒生新竹筍
頻迦穠浸野花枝倚樓盡日山嵐變杜足於今世態宜
最好卧遊圖畫裏巖嵌自看老鬚眉

田間

夜雨依旬洽山光發曉新豆孚青入饌麥漸努爲仁剝
復娛觀化蕭閒得遠塵浪浪高澗水分蔓下畦畛

點蒼山花詩

滇地無大寒暑花木多異點蒼冬夏積雪花又
以寒毓者極清奇穠麗之致近日山民搜巖剔
穴悉入花市並可移植焉但皆俚語呼名不知
珍異茲擇其尤者爲之名繫以詩得八首

紫霞堆

蟠根移瘦嶺翠葉苑枯槎冒雪披紅藥浚炎簇冷花晶
瑩堆火齊雲霧養丹砂落落寒暄外相娛野士家

舊名馬鼻纓棘俗以綵結纓飾馬鼻間今猶然花
團欒似之樹高者丈餘花攢十數房爲一朵大逾

尺深紅瑩澈葉藉之如堆阜然易今名狀其光曜也

碧瀝香

花菜供新饌花枝浸碧漪雅堪餐秀色端與詠凝脂翠葉分巖雪幽香滃密脾靈均高密意蘭菊那充饑

舊名白花葉如桂而圓厚花純白心藥皆綠土人採漬蔬鬻之芼之如雞臠然秀色濃香實異卉也因名之以此

淺絳雪

而歲含苞久花當杪葉中芳菲春自媚峭蒨雪初融紫

豔偏宜淺清妍欲洗紅妙香開佛界占斷好光風

俗名紅白花產深崖間花亦聚開而蕭疏離離葉
淺綠花嫣紅濃淡如玫瑰名以此庶盡其色之異
耳

雪牡丹

買爨花柴好農夫語漫猜誰知深谷底花似牡丹開馥
郁披雲鬢晶瑩湧雪堆詩成題勦葉惜此部闕材

原名萃花花萃聚柔薄多瓣白色中有暈紅者茄
色者花頭大逾盤葉長厚光潤可書蓬雪中密林
無際爲名牡丹始足肖其穠郁也樵人以爲薪材

亦昆吾之玉抵鵲乎惜哉

萃金鍾

莫倚枇杷似花名亦強從如盤鋪翠葉承露萃金鍾
璵黃中徹團樂玉藉重摠房深注酒試飲色香濃

俗名山枇杷葉長大紫背花純黃房平濶可注酒
因以名之

玉翹翹

靜婉餘姿態芳心露碧房皚如花是雪莞爾玉生香
翠葉微雲綴交枝細影長塵寰如一現仙子下唐昌

俗名山龍花殊無味或以虬枝蜿蜒狀耶花如玉

簪舒放者瑩白綠心參差桂葉間香極清遠爲狀
其風致以名之

金鳳翎

巖徑半消雪虬枝生倔強翹翹纖葉大螯螯蠟珠黃金
鳳覽翔集翠翎垂短長紅緋滿花市光耀竦羣芳

舊名蜜蠟花花韌厚圓銳纍纍如聚珠大葉纖長
瑩淨可愛易茲名兼狀其葉也

波羅花

貝葉原多種多羅花更奇拆拊蓮六出含蕙筆尖垂皎
潔光輪寶琤琮落玉匙效靈供佛子雲鬢擁迷離

原名波羅或曰優曇則內典已言其開難值矣花
六出大逾尺心圓銳如筆葉如貝多一種花開香
聞數里按波利質多羅花一日熏衣蘆蔔諸花香
皆不能及正與此相符波羅與多羅無異耳

諸花詩後一首

放土閒無事雲山狎點蒼濡毫弄花草不是學齊梁眇
莽稽含狀淒迷楚客芳融融花世界聊與托徜徉

新路尖

在麗江府西北鹿滄界

西睇蘭滄嶺東望老君岑巉巖萬岡巒徑此危峯尖俯
視但煙靄積雨霾蒼林遙天嵌晴雪條分表江潯西南

實坤位博厚包重陰灼知洪荒始一氣結浮沉地水互
流峙滔下成高深莽然重障山世趣難可探夷猱踞洞
穴嶮瘠各自諳勞塵鬱山河狂花顛倒尋佛有平等法
分別由妄心不平平等住斯義大宏含虛空本無礙了
此去來嫌

新山寓樓

山椒並兩巒金鼇聳其角宗子好結構岑樓起中曲寓
我霞霄間萬厦見林麓有時雲濛濛翳起南崖松油油
布東壑銀海遊羣龍樓頭過疏雨雪影明西窗嶙嶙陀
羅嶺磊砢千萬峯怒獬所窟宅由乾夜义宮岌岌窟窟深

壘頽岷阨奔江寮刺氣沸鬱盤旋崦岫空若非茲遠遊
誰見此崆峒我來秋正半月輪近如咫尺月夕與霜晨看
山不解已舊好遇涂欽吟詩馥蘭芷魏叔名相孫寧越
東南美過從風雨中劇談星漢裏若非遠遊茲何知數
君子人生足慷慨踪跡難可知鴻雁逐稻梁渡影流清
池雁無駐影跡池無流影思風日劇清美惜此徘徊時

富隆銀場

江流下鑠地連山高稽天莽莽大林藪不聞鳥雀喧自
非寶藏因何由通人煙板屋架崖壑危峯開市廛驟綱
遠如蟻擾擾凌嶺岈萬竈雜千冶列火蒼雲端夜氣湧

聯鼈金鱗何燦然潮蜂奔曉衙得窰聲呼謹茲山早霜
雪旅人忘苦寒糧蔬千里致百錢始一餐以彼膏粱費
攻此山石堅妄覬足可笑爲富無乃艱世界大廣莫山
民資食山一旦巨鑛出意氣雄腰纏人情重阿堵何乃
跼田園我聞佛遊戲擁童恆十千聚沙而聚人多此流
轉緣安得自在童一問團沙間

松杉箒

茫茫山世界漫漫樹林海人谷陰蒙龍陟岫青旂旋亭
亭寒松標勁直幾千尺迴枝盤蒼穹積根狀磷礪搖蕩
懸泉落孤峭斷崖倚春秋邁古椿蕃滋密叢葦鬚鬚四

無竟漸遠望若薺天風散松花濤聲殷地底萬象互變
幻出沒雲波靡有時腹火燔龍顛虎豹死臃腫荒徑塞
輪囷芝菌紫僻遠罕人煙無復匠石指妙用得南華材
不材等耳徬徨廣莫間庶免無用悔

石鍾山

往還石鍾嶺行人云畏途礪礪大河水沿緣上欽嶇臨
風眩欲墮出石棧稜隅稍慰前椒及復驚岡岑紆盤磴
促轉折寒冰結沮洳巉巉巨巖闢云誰鑿其初仰視層
峯頂金鏞懸太虛蟻螭蹙交鈕輪郭周形模丹黃雲雷
紋斑駁蟲鳥書物理有相肖寧復造作殊濼祥出聲響

灼知傳會誣遐荒富奇構林莽藏模糊茲勝獨表表高
標萬丈餘隱顯異地勢名實難虛拘路險心亦平自慰
行旅孤

老君山

崑崙表南下金滄夾西東隆然起中阜區劃勿相蒙盤
礴四萬里茲實南條宗日昨羊山道冰雪表夔峯稜稜
竦天柱巒嶸紛龍從邈迤三日程西水鳴淥淥九十九
龍潭匯彼神靈蹤東下下陽岑朗列青芙蓉晴雲澹容
與積氣含冲融須彌蟠地海根苑無近功嘗聞春雁歸
卯育依龍蔥南北萬餘里於此朔漠同人生臨方隅遊

覽何能窮夕春照長坡茅店環深松汲澗煮山毛卽事
非怱怱

玉龍山

東下汲州嶺明光炫煙靄雪山直北來挂影青天外前
峯如卓珪信桓翼其背陂陀遞迴峯三英復西萃聯嶺
側東出漸遠勢如墜屹嶰百千重集銳叢旌旆晶瑩四
無薄玲瓏錯蒼翠隱隱金沙峽盤折鬱深邃雪水湧長
江布潤執斯大固宜天地構有此巨瓌麗河伯駭望洋
夏蟲語冰怪彷徨汗漫期奇絕茲遊最

西域雪山

玉龍西曳尾連山不復見蒼茫積氣中縹緲吳門練注
視漸分明層疊遞隱現巨阜側西南我我狀星弁無乃
阿耨達四水出噴泥輿夫詳告余全藏夙所遍茲實梅
里西巨嶺出東面會歷虎跳江又歷擲弓岸不聞牛象
口河沙金銀判行行盡白山一一插霄漢佛跡渺茫間
圖經難可按有邱皆無熱崑崙竟誰辨余生好遠遊山
水恣奇觀有涯隨無涯於道實云患聊以自適適放眼
青天半

四十里箐

密樹寒猶綠連山東不開溪行四十里水足百千迴失

路遠遊僻歸心雨雪催荒村曾宿處尙隔幾雲隈

高遲井

險遠絕輸運井鹽生澗隈只供蠻洞食未許利源開
板屋晴堆雪山蕎澁釀醅塵塵推世界業力巧安排

同春河

河水迎歸客行行溯碧波斷崖爭路出紆谷迸雲過
格是東西逝何煩曲折多淒淒三日響應得鬢毛皓

得勝溝

稗溝干蔓水密菁鬱嶮嵯得勝今各地同春舊擣師誰
防蜂有惹翻致獼逾期夾道喬松櫟猶殘火礮枝

通句

瓊步青霜暇逾程尙未礮亂山聊此豁邊雪有長寒穉
稗充常稼松菇得美餐浪遊殊自詫西逝水漫漫

白石江

嶺氣涵蘭野山名記雪邦懸巖交翠壑疊石轉銀瀧亭
迴遊人獨天清白鳥雙詩成延佇裏一笑問淙淙

水芙蓉

數家依澗曲宿客有層樓日粲翻匙滑蒼藜滲玉柔寒
喧分有界山水漸瀕州回首林稍路雲煙萬嶺浮

松溪橋

山程迢遞慰冬晴
簇簇峯巒朗太清
細篠踈溪冰葉翠
平林映日澗花明
羊裘敝後能回暖
籃筍疲時好耐醒
博塞讀書臧獲異
等閒得失已忘情

旬尾

海虹橋下碧潺湲
泥潦冬收異舊灣
十日羈留秋雨惡
一樓吟眺客踪閒
青山對酒寒暄裏
浪跡如雲卷放閒
珍重居停濃款意
東湖蝦鯉出斑斕

隱山道中感楊瀚池同年楊召棠諸友

三浪川原路舊諳
怡人風景簇雲嵐
玲瓏卷石環深洞
漱澗溫泉翦翠薄
乳酪瓊酥如塞上
山村紅樹宛江南

故人家在湖西渚猶記當年兩繫驂

迂道瀛橋訪高仲涵不遇留題齋壁

河頭小艇搖霜蒲險嶺千重雲影徂落木依微鄧賤詔
翔鷗宛轉東西湖到門何必見安道呼酒依然款濯夫
留語故人及早出五年匏繫嗟余枯

沙坪

龍首荒城落照懸關前歸客思悠然等知騷駢窮方外
不盡蚍蜉逆磨旋南嶺渺茫縹緖靄澄波映發拖藍天
巡簷却愛江村好紅樹蕭蕭擁賣蘇

理行笥稿

晴日梅花照碧疏詩囊重揀自踟躕披然玳瑁莊生齒
率意行踪阮藉車雪嶽江聲猶聽瑩雲飄霧撒趁紆餘
駸駸歲月閒消遣不是窮愁抵著書

又二首

掃地焚香息妄緣還宜我我細周旋落梅墮影有餘態
好鳥感春啼自然鴻烈說山山是道張鸞鑿空空無邊
難除綺語根塵習那欲驚人事巧鐫

鎮日無何染麝煤端知做帚擲汗萊故人好在春江渚
佳句清怡畫閣梅杳杳音書雙鯉斷寥寥山水獨絃哀
人生最是閒居適可奈繁霜滿鬢來